

摘藻堂四庫全書薈要

集部

欽定四庫全書薈要卷一萬三千四百六十五

集部

御製詩三集卷三十六

古今體一百二十三首

甲申二

上元前夕小宴宗藩

熙春三接荅韶年

家法都城列邸便輿去何須詠荈采源來  
恰喜值柑傳祥霽點作庭柯  
藹瑞霧噴成榻鼎煙百世宗  
文正昌熾舉頭如月上元前

題綏德齋

四序春為首一心元作基王言豈徒大君子貴乘時必  
有德無忝方將祿永綏克明堯蕩蕩不敏請敦之

紫碧山房

因迴為高本不艱遠奇近概獻誰慳康功北郭桑麻裏  
爽氣西山襟袖間詩意乘空每有會畫家縮地此為閑  
是真佳處宜常坐坐便思回奈少閒

涵雅齋得句

迴廊寧藉多曲折以致深深處有書齋彬然翰墨林每  
值怡神候亦常點筆吟吟不尚雕龍惟寫勤民心

題張羽松軒春霽圖

樓臺金碧望雲頭軒外春松翠欲流人世定知無此境  
前生遊處寫防丘

上元日侍

皇太后觀鐙

慶霄雪霽復風輕寶甍騰輝春宇晴

萬壽字屏金匝匝九華蓮燭翠縱橫

介眉卮進兜羅手照世杯開不夜城秋穠有登冬雪好  
鐙宵庶足愜

慈情

上元鐙詞

西山積素未全消先日祥花又細飄

十四日  
微雪

嘉夜于于

宜共樂

天教人度好元宵

春鐙去歲慙灾連今夕春鐙始愜然敢曰重熙逢勝節  
益惟一意厯

祈年

靈臺剛協敷和紀上苑初迴條鬯時一氣陽春萬方被  
花催羯鼓信兒嬉

歲歲

徽音奉豫遊行火樹映西樓飛空萬道金魚箭獻  
壽都為海屋籌

掌儀雜技增四部凸阜凹晴舞木熙誰曰任禁率難解  
譯成原是祝

釐詞

翠藍火結太平字丹碧烟擎富貴花雖是鐙前呈吉語  
祥徵願共萬民家

西瀛北界厠駕行習爽胥教得耀光屬國寧惟三十六  
大都去號不稱王

毳服花茵宴賞陪真成萬國樂春臺

所司陳火戲其名曰萬國樂春臺

貴山又報新馳使

伊犁將軍明瑞奏報哈薩克阿比里斯遣陪臣策伯克等七人入覲將次

至小分去聲應留待彼來

上元後一日小宴廷臣

上元剛過昨朝纔曲宴聯情此日開用事外藩仍許廁

貝子扎拉豐阿呼圖牧民方伯恰因來直隸總督方觀承適以十五日

靈阿並以禁近得預至因命入宵乍可羣觀炬卜晝何妨一舉杯

正大光明懸寶額殿正中恭懸皇

考御書四字寶額

憲皇謨訓共欽哉



酒醴笙歌秩有倫  
虞書弼直切臣鄰  
要當吁咈陳民隱  
豈貴都俞頌治臻  
三輔稍欣溝壑逭  
萬家詎獲蓋藏均  
帝城午夜稱同樂  
尚共思乎俾返淳

錢選清江漁艇

澄潭網集頗嫌喧  
一對煙蓬出水村  
椎髻蓬頭自團聚  
逍遙那羨武陵源

燕九燈詞

層層火樹銜丹鳳  
爛爛蓮花踏碧雞  
西域法輪無盡轉

東山仙蹟又重提

月色今朝似讓鐙鐙將闌際月初昇一輪原比千枝朗  
標出心禪窠上層

吐霧興雲成指顧  
嚙蜂化鴿祇斯須  
丹臺試問登仙者  
幻術何曾有略殊

七宵鐙宴對鼇山  
自十三至燕九觀鐙凡七日過此則收鐙矣  
電火原消瞥

眼間窠是流風真解事  
常收傍晚樹梢閒

詠漢檐鐙六韻

夏人沿路徇漢殿向檐尋詎是宣文本稍殊奮武金特  
編異鐘製柄甬突鈴音博古瑤函萃千秋翠色沈漫論  
出土代可伴翦檠吟緬想占風雨起予宵旰心

題仇英林亭佳趣

選幽結屋萬山間山外流來水一灣石岸奚妨教詰曲  
木林真足養高閒並無俗客尋常到雖有柴門總不關  
架上抽書聊棄暇龍蒙那擬便為刪

春正含經堂

書堂御園東軒敞別一區  
鐙宵宴賚駢日日奉

慈娛以此無暇至華繁  
空待諸過節茲偶臨芸  
編香艸予綵綴雖飄蕭  
慶宵實則孤斯因臺館  
多靜思增慙如盆梅乃  
知時枝頭芳始舒

思永齋

含經思永近比鄰題額稱名實  
欲循枕藉禮園希復性  
沈潛義府慎脩身底須銀燭憐  
過節耐可華編娛早春  
德業進修寧二道箕疇願福萬  
方民

得春亭

舒疊春臺佈始青  
行看色色與形形  
東皇消息誰傳得  
領要由來是此亭

自得軒

寶額煥楣檐  
因文理趣拈

聖人能自得  
小子歎前瞻  
鐙事收銀燭  
年光發繡簾  
優游翰墨苑  
覺此足沈潛

迎步廊

迴廊不欲直曲折足延步一轉一致幽迎人遞佳趣因  
之悟為文元氣在吞吐叶善詮理者誰莫過陸家賦

題金廷標畫

不教蔑舫換柴扉團聚常看婦子圍  
橙岬繫船羣曬網盤餐喜有鰕魚肥

右漁

山頭薪負過溪濱擔賣無過左近鄰  
何必道中嘔且讀報妻終不學吳人

右樵

揮汗耘田日正長  
偷閒小睡午陰涼  
夢還不涉邯鄲境  
也祇殷勤較雨暘

右耕

三家村裏古風存  
白首田翁自課孫  
耕織相安王道具  
寧須時務細陳論

右讀

新春萬壽山

過節稍餘暇新春試賞山凍蘇土潤埒冰解水溶灣四  
序不相讓一心底是閒迴軒俯曠野于耜厘民間

### 繪芳堂

開韶乘氣攬山光休坐書堂玩繪芳孚甲紐芽行已至  
千紅萬紫箇中藏蜃窓且遲去聲丹青采鈿几欣披翰墨  
香若向魯論究深義當前境是起予商

### 題澹寧堂

山未芳而澹水無波以寧觸緣皆妙會契理亦忘形砌



草露生意益梅噴靜馨化工惟易簡揭義在義經

寄澗亭

萬頃昆明未作澗風波靜亦覺池安對亭若問於何寄  
踏實應從水處觀

靜佳齋有會

聞之無極翁動靜互為根其義本義經闡微直探源如  
是則動靜應迭為主賓翁更詮之云主靜人極存斯齋  
曰靜佳此理可與論既占山水秀復遠塵市喧即所謂

靜乎未識濂溪門

袖嵐書屋

迴巒沓嶂護書齋  
詭石喬松古與偕  
憑著雲窓聊縱目  
西山却近在襟懷

構虛軒

雲軒據別峯  
琳宮遙對望  
訝如構於虛  
何殊乾闥狀  
因悟四天下  
於此應相仿  
叶藏密彌六合  
惟在一卷放  
每會心殊因之題壁上

清琴峽

出峽泠泠帶凍懸彈成真是響冰絃春溫即景原吾事  
思到茅檐蔀屋邊

題方琮倣王蒙松路僊巖圖

仙巖松路久傳王藏度鈴山舊有堂

見名畫大觀  
董其昌題語

昔實

得門自文貴

亦見董  
題語中

今虛授業者宗蒼

方琮從張宗  
蒼學畫有年

詎

惟溪壑肖曲折端在精神合混芒那更丹臺尋葛羨起  
予罨望屬中郎

嘲紅白梅

梅以白為真紅者亦間有然皆異樹生賦色隨所受東  
坡谷溫公茶墨義精剖墨黑茶欲白茶新墨貴久其蹟  
雖相反德操同不朽譬之賢君子黜哲異妍醜此語可  
狀梅色殊夫何咎恠哉藝花師移接逞巧手一樹而二  
花紅白紛枝首白如荀傅粉紅如徐中酒徒稱把臂英  
亦豈忘年友絲非墨翟悲柳幻支離肘大失梅本性放  
葩似沮忸俗眼或詫奇雅人應不取

觀通鑑輯覽至褚遂良貶潭州事嘉其忠悃輒效

其體擬作

元舅與功臣由來不可誅草茅承顧託寧當惜殘軀忍  
視夷姜汚曲從政君誣國是太宗創臣忝名與徒叩首  
願還笏忤旨罪奚逋潭州被薄譴敢曰非其辜回首望  
金門無言以嗟吁

和闐玉寒山拾得子

入巖復出巖無可無不可嗑然笑伊誰豐干何瑣瑣

倪瓚巖居圖

幾個一拳多贗鼎

世傳雲林蹟率作一拳石幾個鈞了簡淡而已然偽仿優孟正復不少

巖居此獨見渾深並無人跡來空谷疑有雲容出遠林  
已似山陽曾著論不須梁父更成吟竹編茶竈依然好  
見圖中王孟端題句引我遐心到惠岑

填倉日作

十日上元過五朝春孟遺玉盤行麪餅銀縷佐蓴絲但  
得倉箱積寧愁甌釜炊雖云俗節令王政必勤斯

挹香室

都梁沈水不須焚  
四季花芳鼻觀薰  
若論挹香心會處  
六經以內得尊聞

戲題鶴安齋

園林率養鶴以其調  
弗俗素羽與朗音  
足清人耳目不  
無資稻梁斯有所拘束  
閒庭松石佳鶴安  
名我屋其然  
豈其然胎仙意如恁

澹閒室

築室山水間水澹山斯閒等度與佳名不出此一園春  
秋趣會殊向背景各存名固莫可窮阿誰能忘言室乃  
不著語澹閒於是閒

再題廓然大公八景

雙鶴齋

綠柳陰中鶴刷翎月明疑是兩仙停每從  
標榜窺

深意能和猶然愧法經



規月橋

規成圓圓莫如月月自先天規後天試看卧波分上下  
却因半故體常全

峭舊居

假山閱久訝真山莫謂疑廢見布還古假喚真真喚假  
更誰能置議其間

影山樓

拾梯人似壺中步捲幔樓原鏡裏披窈窕本懸石谷畫

沖融合讀杜陵詩

披雲逕

詭石攢叢騫欲飛又疑雲片是耶非  
此中尋逕入深處安得濛濛不濕衣

綺吟堂

成吟寓目祇斯須工拙何煩更計乎  
五字設當髭撚斷盧家笑欲作髡徒

韻石淙

流泉石上似琴調詎是尋常響尾燒莫訝宮聲非漏越  
五絃

當日叶簫韶

啟秀亭

已覺芳茵襯步青東風有脚善形形朝葩夕蕊行看啓  
解報先聲是此亭

題李唐滕王閣圖

遠秀分從衡與廬江邊樓閣迴臨虛崢嶸直寫絳州記

歌舞遙思帝子居南浦西山相映帶今來古往此踟蹰  
家將軍法能津逮蔚紙雄渾青出於

蠅蠓

蠅蠓浮撇天陽氣始奏達塘南米欲蘇池北水已活醯  
雞甫辭波飛空亂騰越非甕無酒氣撲地隨唾沫驅散  
仍復聚紛不可究詰粘衣喪其生較菌猶飄忽微物亦  
一時化工浩旋斡

董其昌奇峯白雲即用其韻

重之曰書翁輕之曰畫客香光兩不知雲峯伴寥寂

正月廿九日詣

暢春園問

皇太后安遂命駕還宮輿中即事

慶節承

娛荏苒過仙園言返奉

慈和問

安遂命還宮蹕祭

社兼脩進講科勤政心殷宵旰切行時志凜惕乾多青  
郊含潤將興耒為祝倉箱卜若何

木根如意

泯盡山中生意却供座上揮如欲笑石家賓鐵金剛禪  
此非虛

高克恭雲橫秀嶺圖

迴薄氣蒸澤淋漓潤逼人溪頭覓津渡雲外見嶙峋自  
是大家法能傳詩者神小亭檐柱迴借問待誰巡

正月晦日瀛臺即景六韻

經筵尚遲日西苑偶行春  
底論一分去聊為片刻巡  
笙歌却舟泛詩句笑樓掄  
誰見棠全落恰欣薜漸新  
芳菲無遠限蘊藉有良因  
最好尋吟處由來不染塵

綺思樓

口過非惟宜戒之

佛經口過四一綺語也

有為終不若無為請看

萬紫千紅者大塊何曾費綺思

澍清院

苔皴松蓋蔭石激泉琴鼓假山四百年岡巒鬱吞吐草  
木雖未芳陽和已將煦徘徊閱洲清世界即上古牆外  
市廛聲疑是脩月戶

千尺雪

流泉不凍表垂冰動作雪花靜雪凝此是六霽真面目  
寒山閣上得何曾

題鑑古堂

檐楣標鑑古鑑古意聊論詎玩豹奴帖非珎號州尊縹



細足神往勸誠在思存義府真堪樂休言衆妙門

植秀軒

階下猗猗綠竹栽林丞分付善滋培怡然攬秀翻餘愧  
幾見菁莪樂育材

虛白室

豁呀望中深既深始宜靜窈窕一徑通希夷六情屏妙  
達目為明寥朗意因永克己顏四勿守約曾三省殊途  
而同歸虛室其首肯

藻韻樓

金碧樓臺閬苑邊  
八鴻祇在鏡中懸  
不經意想天然得  
月露風雲總道詮

春及軒

疇咨罷幾暇不可孤  
良辰韶春行將及  
柳稊蘚已皴是  
處亦三徑松竹扶  
嶙峋緬懷淵明翁  
清風穆如新我當  
勤思政安能效其人

補桐書屋作

新桐如舊桐交枝伯仲伍書屋每竭來輒憶其初補披  
芸怡義經无咎一絜矩如云藉取資吾懷仲山甫

聽鴻樓

陽鳥雲中未發聲高樓何不可為名一般聽有百般意  
宵雅劬勞切我驚

沈周溪舟夕照圖用吳寬題句韻

無礙溪煙黯欲迷拏舟幾曲只沿溪渚旁小泊迴頭望  
却見塵屨茅屋低

摘梅

梅花無仰開云善避風雪驗之果誠然反側枝間纈是  
謂具機智寧祇芳且潔益蒔雖由人其性不可奪春來  
葩益繁纍纍纖條結韻妍以為清味郁而不烈太盛物  
所忌間摘非連折置之水精盤一色難分別几上撲鼻  
香不辨瓊英設欲呼宋廣平重賦心似鐵

仲春經筵

文華春講集羣英書義經微細討評四海耕桑因所利

萬幾勅是日省其成

進講論語因民之所利而利之尚書屢省乃成

詎惟守註

母甚解亦曰尊聞在力行内外交脩非二事隣哉思日

贊治

平

春仲齋居

仲月臨上戊將以祈

右壇法宮肅致齋穡事籌大田去歲沐

鴻貺二收頗可觀稍以濟灾黎吾心為少寬即今農方

興夔夔敢即安顙希暘雨若庶得綏豐連所厘萬民食

所凜為君難高居非習靜默審敬怠端

漢玉雙鳩

刻玉成鳩漢制遺雙棲恒不離

去聲

雄雌那因晴雨為呼

逐可向榛桑想羽儀京索追求雖說俗長安變幻亦傳  
奇老安本是宣尼志祝餉扶危合厘斯

明窓一首

明窓詎曰尚高閒闊達重華志仰攀越若臨民慎恭己  
克知圖易在思艱

題韓幹馬性圖

不求形沛艾端取性驍騰試看驂騑壽誰云凋喪曾

反韓偓鬪雞詩

偓詩嘲其不問梟而害同羣盖有激而言之然梟  
本非雞所當制而報養以禦來侮亦不可謂之  
害同羣也因作此詩以反之

狸膏芥羽主人施驅向羊溝鬪敢辭正是稻梁恩報處

庾公抽矢亦何為

庾公抽矢孟子雖以為端然顧友誼而敗其君事豈正道哉故並及之

隨安室八韻

在養心殿東暖閣內

隨遇得居安養心左序端檢身若不及容膝已為寬志

與青年異

此予在青宮時即以名室蓋取隨而遇而安之義今則異業日之志矣

題斯觸

處觀

御園及行宮書室率題此額猶弗忘昔之意也

敢求一己逸實覺萬民難

為是勤宵旰因之叶燠寒祈年無間意望雨或忘餐驕

否

有韻

泰艱致今非昔所歡循名如責實絕爾祗三歎

安息雀卯

有序

胚渾孕異寧聞累御探來孚翼遺珍孰辨姬邵覆



去徵趙宋而瑞圖差小不貽詎出真龍訂馬遷則  
屬國云詳如甕曾傳大鳥旁證鮫人園客語斥搜  
神近參羽櫛鱗圓形符博物爰定條支之種並搞  
安息之篇披舊製於上方紀年難溯兆新銘於西  
域即事堪欣縱品殊聞國球琳不貪是寶而光媿  
伊犁驚鷺可用為儀云爾

宋家龍鳳率非真

見聞見後錄

史記條支早見珎形大誠如

陶繭甕質輕穩藉錦茸茵惟黃與白艱孚翼既櫛而圓

辨匪鱗庫貯不知何代物先聲應為去聲遠方賓

延春閣

春為四德仁鳳閣勝延春登必忘元善職惟牧萬民高  
言謝容鄰切己在脩身韶景將條鬯吾懷與物新

賦得玉壺冰

樓閣壺冰裏襟懷清亦如簾旌風入靜窓綺月延虛芝  
篆薰晨鼎蓮葉檢夜書叅軍已獨步那更藉吟諸

王鑑仿元四家筆意

不擬富春長卷艱興來小景傲秋山愛他迎面金雞意  
豈在踈皺彷彿間

右傲黃公望

數疊蒼山松幾株九峰為憶讀書區絳雲可惜咸陽炬  
欲覓真王正復無

右傲王蒙

淡淡喬柯遠遠山却因臯祖溯荆關草亭莫問應誰付  
流水行雲好是閒

右倣倪瓚

山居粉本宛呈前津逮還教潮巨然匪說攸聞不師古  
亦云師意始稱賢

右倣吳鎮

仲春祭

社稷壇

無事必躬親祈

農逮仲春龍蔥祥柏護肥腴盛牲陳

土穀惟神道

稷龍亦佐禋五方壤分色七奏樂鳴鈞希

佑非闕己籲

豐總為

去聲

民東郊將舉趾膏雨願依旬

題素尚齋

西壇舉春祭西苑駐春旌問

寢已云濶傳餐便以行韶迴樹改色氷解瀑添聲散蒂

茲更服差符素尚名

望寶月樓未至口號一絕

慶霄已過又中春  
西宇眉痕掠影新  
恰似高樓遙在望  
祇應屬目絳河濱

韻古堂

鐫鐘特磬均依古  
所為去聲西江古器呈  
遂使笙簧無舛

律乃知天地有元聲  
溪堂在簾常含韻  
春祭聆章正叶

平本朝中和樂皆以平為章  
鄒孟設如誦服服  
放勲益切勉行行

春耦齋

候

安將欲御園迴取便春齋小憩來心切方興東作矣况  
當祭

社甫成纔

再題聽鴻樓疊前韻

乘煙前日憶其聲嘹唳聽疑自喚名恰是令人識鴻耳  
流陰瞥眼那知驚

看畫廊

山纔向芳際水始欲波時柳帶黃猶淺蕪茵綠尚疑行  
行目因遠望望意方遲試問丹青者將何設色為

詣

暢春園問

皇太后安

經筵祭

社無非事歲事平明詣

暢春歡喜



庭闈趨省謁

康強食履敬咨詢  
壺天欲宅園如繪  
愛日方長漏似逡  
內侍連朝馳問

豫豈如色

養以躬親

題和閨玉鏤巖居圖韞

與木石居鹿豕遊  
是誰肥遁許巢流  
吾惟從善重華企  
莫禦機張一例道

唐寅溪橋漁艇

野艇浮溪處處通  
芰荷香遞網絲風  
箇中真趣誰曾得  
彷彿其人休與蒙

仲春靜明園即景

初歲堂堂逮仲春  
烟宮偷暇始來巡  
波暄蠓蠓乘空起  
坡暖蕪苔得氣皴  
祇彼蒼松無改度  
待他衆樹又從新  
靜明不在芳菲輦  
今日方知妙入神

華滋館

春波弱勝舫春旭暖明軒漸欲豐裘換恰欣芳帙存來  
信因往屈得趣亦忘言底識華滋候韶光遍水源

竹鑪山房

何必椎輪憶惠山欣茲享帚片時間若非製斗評輕重  
向製銀斗評較諸泉惟玉泉與伊遜皆斗重一  
兩餘自贏二三釐至一分不等語具第一泉記  
之伯仲間

練影堂

上帶烟空下落空虛堂心境兩俱融一間法括三千界

祇在依稀影響中

題飛淙閣

天一本無翼淙空乃若飛勢疑翔且翥色訝是耶非衝  
出氣元漠擘開山翠微今朝觀振鷺周雅辨依稀

含峭居得句

山居羣峭裏云峭此中含日面將月面前三與後三本  
來無定象誰果契幽探小憩旋言去靜緣寧得耽

岑華閣

誰道春山花尚無  
擢芳啓秀迴標孤  
恰如佛掌青蓮茁  
不共四時為苑枯

涵漪齋

初開春水一舟通  
水上軒齋鏡影中  
偶詠壁題成隔歲  
似看雁字不留空  
已欣皎潔如呈月  
何必波瀾更憶風  
位置若還覓粉本  
輞川圖裏辨新豐

石渠寶笈藏郭忠恕輞川圖是處位

置略仿之

賦得廓然大公

順應惟神用大公全體存祛從情好惡施因物威恩鑑  
不妍媸設衡寧輕重論銘屏常觸目還似讀昌言

分鑑曲

一片虛明成兩鑑曲因山浸作崖垠恰如月印千江裏  
誰識其間分不分

創得齋

創得由來此創成山莊亦用此為名不因數典翻推祖  
設論居前合號兄觀物何曾有定象喜新率可識常情

花芳未發知春入乍聽岩禽自在鳴

戲題試墨泉

每愛山清水復清  
輒教選字與佳名  
不工書法無無暇  
笑我何曾命墨卿

仲春御園泛舟即景

法宮數日小淹留  
凍解居然可泛舟  
試艤蘭橈觀石激  
光陰却訝似茲流

嫩芷新花都未發  
頭鵝迴雁已紛來  
曰矰曰網全無用

那更高稱三面開

迎步廊

人步廊而前廊似迎人步誰主更誰賓妙趣箇中寓曰  
往即具來謂新已成故可以挾毫翰可以供繪素曼迴  
自超超乃於不知付

再題開鑑堂

春池冰解水滌洄今日真看鑑影開興趣每因殊所遇  
不遷於境者誰哉



煙月清真樓

春月真誰比春煙清以嘉寧須輕拂柳且未淡籠花凝  
處半輪暎掛時一縷斜古來兩契友風韻特無加

得全閣

榜題逐處選名言責實循名意每存不取沈家傳八詠  
端思枚叟有佳論

靜娛書屋

石秀松蒼別一區雅宜樸斲謝軒朱庭前花事猶遼待

架上芸篇伴靜娛

賦得水村圖

山村稱北遠

北遠山村中傍水築村舍因以名靜室

亦有水彎環可課農

桑事無非煙靄間蠶筐求葉出漁網受風還寶笈藏松

雪

石渠寶笈藏有趙孟頫水村圖

置身中不慳

琴清齋

書齋臨水號琴清正是春溫和且平何必七絃虞撥刺

由來太古自然聲

金少卿集卷三十一  
君子軒

一逕入琅玕三間藏宛委衆芳尚遲遲萬个祇如此標  
形皆玉亭作響乃金止雅宜風月契寧藉龍鳳比惟斯  
不改度信足稱君子

唐寅滄浪濯足圖

不繫舟浮萬頃淪何妨濯足坐船脣天空水濶渾無伴  
應是三問問罷人

御製詩三集卷三十六

總校官庶吉士臣侍朝

校對官編修臣周厚輅

膳錄監生臣何青

欽定四庫全書薈要

集部

御製詩三集卷三十八

七

詳校官原任編修臣徐立綱



欽定四庫全書薈要卷一萬三千四百六十六

集部

御製詩三集卷三十七

古今體一百二十三首

甲申三

仲春啓蹕恭謁

泰陵

春露興悲候春風啓蹕初寧稱行歲例業已隔年餘植  
柳高籠路來年茁映輿西瞻  
雲巘迴切切渺愁予

過盧溝橋詠冰解

水黑為盧冰亦然隆冬凍合澤腹堅東風一夜入長川  
解之祇在須臾間青氣鼓動索簫宣元英不得施其權  
層疊黝玉巨如山纍而置之河兩邊其高我我長連延  
黃流在中瀉激湍方當初解奇可傳礮礮砰磕聲喧聞  
快馬斫陣驚擊鳶似神而非三似馬亦不衝蕩石橋堦  
信非人力斯由

天襟帶皇州億萬年

雨

夜半起春雲濃陰逮卓午輕輿過盧溝  
霰霰霏絲雨東作尚遲興實未望延佇  
望外得所希豈不欣所覩是時地氣蘇  
凍解泥融土益之霰霏滋自利耕犁舉  
稍厘怨行路大慰歌農父權其輕重間  
况吾司相輔

良鄉行宮晚景

往來曾幾宿今昨率逢春雨過樹如沐  
候寒花待嘖馬嘶墻外客鳥訴座中人  
西北縱遙目峯皴一帶銀



曉行

近山迤邐雨為雪破曉登程撲面涼過慮非關禦寒計  
簇生之候可無妨

吉陽

良鄉城西四十里吉陽古村過迤邐村翁不識為何名  
我獨欣其協易理善詮斯者更曰誰三策天人漢董子  
昨朝西望雪意濃今來積地猶爾爾為慮釀寒礙發生  
幸是麥苗尚未起國以民本民食天隨處農功厯籌揣

曦光曠朗照迷離漸覺皚皚向融矣原成膏澤滋大田  
吉哉陽德真無比

望大房山禱詠

設險王公守大防

圖經古稱大防

奚如禮義固金湯一家燕晉

寧堪數

上聲

西界新開萬里強

峯集鳳還穴伏龍鬱蕊佳氣望重重上方寺與青霄近  
彷彿猶聞雲外鐘

貞元遺跡不堪尋壓勝寧當神弗歆

故明天啓初謂金陵與本朝王氣相

關因加毀拆且劇斷地脉建廟壓勝妄謬  
貽笑千古語詳皇祖脩復金陵碑文伐許檄傳千

載笑何殊校尉有摸金

聞說仙人白玉堂千秋紀述率荒唐却看素積羣峰表  
釀得嵐煙一谷涼

禱言

途久將成河實以人行多改轍就高阜目前計無過戶  
樞稱不朽此理又如何井甃餘汲溜石磨繩弗磨人墨  
有良喻吾聞諸東坡

過安河襟詠

濡源疏治得安河春月輕輿每一過屢見不須深致辨  
凡水以濡名者甚夥獨石口外之濡音義各異其同音  
而在畿內者已有三一涿郡一河間一即易州辛巳疏  
復記工賜今名安河者故上年疊韻所欣功在利農多  
詩有安東及高陽彷彿名同傳之句  
牕堰高低注子渠桔槔分置灌春畝有司長此斯民福  
莫或徒供一覽予

渠上頽垣何代城當年庸水此經營誌乘已覺傳疑信  
故老那能悉指名

灌輸輪日具條規瀉有溝塍瀦有池所喜無非為去聲農  
計草亭點綴又何為

宿永慕齋

齋閣又來臨

鼎湖隔嶺岑馳神由自昔慕

澤到於今雪後山光冷時陳樹影深一年纔一宿何以  
副初心

月

世界煙花有底常  
山中月色祇蒼涼  
今宵一宿明朝去  
羨爾流輝萬古長

恭謁

泰陵

結念展悲來禮成何速哉  
三春芳覺歇萬古籟鳴哀  
嚴殿衣冠悶

寶城松柏枝再臻動經歲  
欲去首重迴

秋瀾村

春澗解凍綠縈門何必思秋秋意存為是上

陵初返宿幾迴西望愴無言

引渠亦有水田治物土耕桑民自知昨近經筵詮此義  
大都因利在隨宜

每當轉蹕此徘徊几席誠清意懶陪庭雀不知悲緒在  
啾啾似喜有人來

暖

今歲節候遲仲春凍始解前朝更微雪遙峰積素在萌

芽雖未發東作則有待恐妨舉趾延詎因懷蕩飴朝來  
風日暄郊原觀頃改高巒雪色消曲渚泉聲浼路柳黃  
染絲巖桃紅吐蕾村氓治耕具賣劬將牛買勸農豈虛  
飾憑輿意殷倍大哉東皇德與物樂和愷

村行

西村歷歷復東村雞犬相聞結世婚百歲老人屋底笑  
兵戈不識長兒孫

前年連潦為民傷去歲秋登有蓋藏欲致太平無別術



足衣足食各安常

冬麥將萌春麥未郊原含潤待新雷  
顓祈今歲雨暘若庶得民間氣更舒

望石經山

靜琬發心刻大乘虞其變滅弃巖陵  
未知佛法無成壞豈在綢繆藉爾能

過拒馬河

拒馬來迴度輿梁亘卧波近山原野  
潦挾水遂成河

水經

注以拒馬河即深水故瀆水厥則長津洪注水耗則通  
波潛伏今故瀆亦絕而不續自附近山谷諸流匯注始  
湍激成河興利非容易籌安竟若何迤東注沽淀疏導可延  
俄臣等勘治淀泊源流疏導實厯疇咨長計也

### 半壁店行宮晚景

今朝來即前朝去別館曾無來去情一切有為皆幻象  
幾章清詠付閒評勒寒花樹芳遲發向暖郊原潤逮耕  
塙外千廬屯扈蹕晚風歸寓認心旌

### 題董邦達山水

尚書筆意傲房山  
恰正房山聳對間  
何必雲巒歷重翠  
片時絕頂去來還

右雲巒重翠

舟進溪源便捨舟  
層巖策杖下臨流  
袖珍可當太沖集  
兩句崇情意總投

右層巖飛瀑

迴鑾過吉陽

前日驅車去迷離  
積雪鋪今日驅車迴  
雪消素色無但

聞土氣香那覺寒威俱屈指四朝夕改觀頓爾殊額手  
為農慶吾豈徒遊娛

麥芽

連朝律漸暄蘇凍地氣升冬麥亦抽芽鋪隴芄青青百  
穀惟斯先青黃惠濟憑又云當三秋北方諺可徵為之  
雖在人綏之藉

吳靈所祈暘雨時庶幾閭閻寧

重遊潭柘岫雲寺疊甲子舊作韻

廿載別初地一心憶柰園因之紆蹕路重與問禪門石  
瀨笛吟馬松風嘯擬孫輕輿共春入幽谷有禽言

曲徑行廿里崇山圍四鄰梯巖種果樹結宇住村人老  
幼孳生庶農桑塵念頻茲誠為治本那慕出塵倫

廬家灘北望月宇尚空懸却乘

去聲

行余馬仰高漸就前

兩峯開法界萬樹羃祥煙壁沼紅欄護云生遠社蓮

屏營瞻相好

義畫題留日月光龍象山河共峙流

遺蹤思觸目

深澤憶從頭佛我仔肩重禪心敢或投

寺傍精舍好迴絕俯雲霞辟勒前巡句窻憑今日紗春

風在蒼柏古蹟說青蛇

耳譚云寺殿中二蛇名大青二青或自遊野中鳴鐘則至

僧

守毘尼行

梵言毘尼此云戒律也

徵心忘剝芭

峰峰削玉蓉靄靄蔚雲濃仙籟常盈耳凡塵不入甯欲

深欣竹護弄潔得泉淙遂與今宵宿聽他清夜鐘

題延清閣

香閣諸天上流睇迴絕塵開窓憑象外坐席駐前春  
廿載無來去一心泯幻真却懷擾淨域扈從到多人

飛雲一首

飛雲幾點亦堪誇落地融為春雨嘉應是祇園龍象喜  
曼陀羅此散天花

猗玗亭

掃逕猗猗有綠筠嘖伽鳥語說經頻引流何必浮觴效

豈是蘭亭修禊人

寺中舊名為流杯亭  
石渠現在故戲及之

花朝二首

花宮偶值花朝度是日又稱佛涅槃了識不關生滅法  
拈應迦葉笑顏者

千紅萬紫寒猶勒天女如何舞七槃藉取玉雲飛幾片  
四禪天上賽春看

晚晴

潤野非希膏雨時晚晴千嶂霽光披雪飛幾點渾無冷  
雲斂一空旋去聲放曦應是山靈技畢獻得教春景覽靡



遺所欣在此不在此東作方輿暖更宜

過羅睺嶺

誌乘稱羅睺其說引未發村俗呼鑼鍋久矣難究詰或有謂為俚改之曰蘿葛去初愈以遠偶過聊詮核兩字出梵典此云障持括八部中一是為佛護法化身巨且長舉手障日月取以喻嶺峻孰云義不協且在兩寺間護法力應竭清晨別潭拓大榦盤嶮岨隆崇高凌雲朝陽出其脇過嶺見戒臺石棧片時達坐精室闡義提

婆道饒舌

遊戒臺疊癸酉舊作韻

過嶺盤迴磴琳宮此重

去聲

尋松風謖詩意水月空

去聲

禪

心那辨隋唐蹟徒傳功德林再來渾熟路小坐已開襟  
庭樹莫非古砌花寧獨今常時相望境一晌驗雲岑

詠戒臺活動松

搖動旁枝老榦隨山僧持以示人奇一聲空谷千聲應  
藉問神通孰所為

石景山禮

惠濟祠疊癸酉舊作韻

寺碑建雍正

皇考闢

神堂清晏資

垂佑實枚佻向陽不愆秩宗祀恒奠冀州疆萬目一勞  
計難言永逸方

香界寺

香界香山最南首率因遠率不常來今朝却為宿巖館  
取道還緣遊戒臺無繫念成閒禮拜有餘趣得小徘徊  
丈夫調御如如坐今昔何曾著點埃

寶珠洞

香界據巖巔寶珠更巔頂取近不辭高為翦西山嶺便  
道所必經况別時已永俯我虛室窓萬概要全領詎云  
暢遙情亦以發深省

駐香山靜宜園有作

山行迤邐至香山隔

暢春園廿里間返蹕問

安宜及早駐旌過午暫偷閒雖然芳景還遲待何必幽  
巖不可攀況是詩篇需補足箇中拙速我猶閑

歡喜園

盤嶺至香山頗近十餘里下馬入巖關輕輿緣隈嶕一  
例拳石間內外蓋殊矣草色雖未芳泉聲已覺美古寺  
住金仙到來近尺咫寧當愬然過瞻禮投五體岫雲與

戒臺那復分彼此其傍有精舍曰園取佳耳今朝偶憩  
延即景真歡喜

來青軒口號

來青衆木尚遲青著句何從覓色形一笑循名有如是  
四時青意此間停

玉乳泉

春竇淙春水因緣春日臨寧須照花色可以空去聲塵心

世外宜風月山中駐古今掃苔成小坐得句亦清音

題超然堂

去歲書堂初斷手春朝清暇試重登  
昨今率以六如閱几席之間千里憑  
苟有可觀皆可樂既無為所底為能  
摘詞聊付烟霞伴莫認禪談最上乘

靜室

不到香山到定來今年芒屨此重開  
太空寥朗懸珠闕萬木扶疏起玉臺  
何必巖花錦綺織已聞谷鳥管絃催  
曰花曰鳥動歸靜應付虛堂永與陪

戲題皋塗精舍

靜室據最高，既陟例言返。精舍居山腰，畝平築雲巘。一  
以僕人憇，一以崇情散。何不可徘徊，天色况未晚。朗然  
玻璃窓，亦足供望遠。門前扈從紛，此尚屬從簡。了知山  
靈笑，古曰此肥遯。

詠桂

玉華

岫名有寺向於此養桂樹

育桂有僧寮，綠葉依然冬。弗凋不似

杏桃似松竹，故當香粟放秋朝。



碧雲寺

招提隔橫嶺不數里而遙那可孤初地渾疑坐半霄佳  
惟竹泉獨清覺谷巖饒何必尋春色天花滿座飄

洗心亭

綠竹猗玕繞鏡池到來惟惜步前移覓心了不可得處  
應是洗心已竟時

祛却塵心悅性靈禽言聽似摩訶聲明年再到雲棲寺  
待問山亭可爾能

試泉悅性山房

洗心亭北入松門，別有山房臨水源。  
瓷銚筠鑪俱恰當，試泉悅性且溫存。  
低枝竹解塵蹤掃，彈舌禽能佛偈翻。  
小坐已欣諸慮靜，一聲定磬隔雲垣。

山陽一曲精廬

西山所欠水，此乃水勝山。  
坐我池塘上，疑其茗雪間。  
洗將塵萬斛，延得趣千般。  
如是真佳處，片時來便還。

對瀑

飛落崇巒不計層蒸為雲氣帶峻嶒如斯聲色縱縱地  
滌盡根塵獨爾能

淨涼亭

山中瀦水宛成池池上亭常秋意披何必四時不可轉  
大都萬事在人為

懷風樓

窓堪雲霧攬坐有岡巒枕巖風落清冷拂塵颯襟袵  
吟昨冬句流陰信苒苒如云君子同民偃吾猶凜

詠鶴二首

去年冬駐此放鶴茲仍在園中特翺翔任其性耳  
在陰景概與避暑山莊略同不能忘言輒成二首  
去年放鶴翠巖間今歲還看鶴在山不戀稻梁喜松石  
世多凡鳥那能攀

快哉解脫出籠關飲啄清泉古柏間嘹亮一聲雲表落  
較於昔特覺心閒

曠攬臺放歌

山已居高臺更高所為登臺供曠攬可知知止竟誰能  
以已度人生百感人願天從天且難供以一應萬凜乎  
九重高則畢照物將弗遺水清無魚其言可思楚王三  
戶尚盟強臺吁嗟圖一覽之娛乎吾羞此來

畫禪室

寶王剎現一毫端百尺竿頭進步看借問香山應時句

會昌九老雅宜觀

內府貯劉松年  
會昌九老圖

得一書屋

得清曰惟天得寧曰惟地得貞以為王天下庶易治天  
地本無為清寧得易致王者欲得貞有為宜深思參三  
一以貫中和天地位往聖垂明訓不敏請從事

琢情之閣

詩人追琢詠其章莊叟翻稱混沌亡一亦不存兩不涉  
隨緣高閣賞煙光

香山夕景

蒼然曛色落巖扉適可肩輿下翠微伏檻馬聞牆外聚

投巢鳥向樹深飛欲觀夕景觀初暮不辨峯姿辨四圍  
半日促成詩廿首明朝可罷詠而歸

舟過萬壽山不泊倚舲襟詠

侵曉香山返蹕旌玉河沿泛達昆明壽山無暇探春色  
為切詢

安促水程

玉帶橋西耕織圖插秧猶待採桑無暄和已遞佳消息  
攬結行將奉

懿娛

明湖春水半篙深  
戢戢青蒲刺碧潯  
雖是無心閒問景  
倚舫何礙一披吟

翦湖片刻艤東隄  
隄上金吾候早齊  
遂詣

凝春度問謁

皇太后駐暢春園  
以凝春堂為寢宮  
連朝大慰意懸兮

迴鑾詣

暢春園問

皇太后安



日已將旬出蹕駒香山一宿敢重留侵晨祇肅迴仙苑  
問

寢歡忻謁鳳樓

大德從來四美契

暢春益茂萬年籌潤郊麥色青方蔚奏博

慈顏悅有由

御園仲春即事

嫩日輕陰潤意含御園春景稱吟探花光未爛因寒勒

蕪色纔舒飲露酣我念農功興二月人言節氣似江南

由來枚卜在山左誰得天津騁怪談

宋邵雍聞天津橋杜鵑謂將用南人

作相專務變更云云夫史策所紀宰臣北人南人皆互有賢否豈獨一王安石古稱立賢無方顧所以用之耳即今之漢大學士一為劉統勳乃山東人一為楊廷璋乃漢軍雖有好事者亦不能騰其口故明沿宋謬說定立輒事爭持真足貽笑千載以有節氣似江南之語故並識如右

### 開鑑堂

滄池日日暎書堂偶對呼為開鑑光了識萬緣皆假藉不妨一照契真常

琴趣軒

五七絃音辨莫仍其聲祇在碧澄澄羸他世上琴師者  
枉撓於斯得未曾

涵雅齋

芸香四座芬睡鴨不須焚茹古常研秘涵今永佩文藻  
思惟乙乙濶論敢云云溯憶昔年志

此予青宮時書室名也茲仍每以題

額  
河間喜不羣

題無邊風月之閣

無邊風月有何因  
即景分明在好春  
鳥喜歌音送宛轉  
花欣舞影照清真

小石林

窓中列岫殊非遠  
階際假峯宛似真  
何必黃山三十六  
由來亭帚亦堪珍

精舍田盤憶石林

盤山行宮內有石林精舍最為幽勝

飛來棗葉隨庭陰

須彌大小休量比  
一例無心足悅心

環碧亭

疊石為綺峯激泉為布水夷峻置小亭四柱奇無比  
巖薛羅其外淙泓帶其底疑入萬壑深安知一園裏徐步  
出幾曲向皆兒戲耳高大自內觀東坡言甚旨

題山影樓

樓據小岬崿復望遠嶠嶺此主彼賓界彼主此賓境奚  
如一合相呼之曰山影迭為雅復宜相映胥平等亦不  
以恒登登斯意為永

唐寅山竹草亭即用其韻

肥遯林泉樂寧為漁釣干簷前踈種竹延入月光寒

山桃花四首

幾處山凹桃始華仲春節候不爭差看花好是初含蕊  
唐突休言爛漫霞

白者常先紅者開魯論著語有由來請看繪事春園裏  
後素誰能或異哉

流風全斂淨無塵微雨時霏暢好春今歲天天真厚幸  
不孤引領一番新

女夷橐籥巧栽培不藉東風亦解開月令可知詮北地  
幾曾言到信傳梅

題方琮山水

巖谷意含韶葉濃花復夭閨人翠樓上

上聲

遊客綠林招

春水纔勝舫渚蒲未隱橋東郊舉趾者為爾祝豐翹

右春景

滿谷膩雲浮雯雯卒未休斜風急傘底亂水漲橋頭漁  
子衝煙舫幽人聽雨樓彼安懶情性我切怨咨愁

右夏景

左嶂迴欽崙右溪解與深雲間猶戀岫天朗怡開襟紫  
欲楓千點翠惟松百尋亦堪欣即目何事有繁欽

右秋景

萬樹玉為糊千峯銀遍鋪古來擅摩詰今復見方壺犬  
吠人蹤滅童尋酒望沽蹇驢怯泥滑興與灞橋殊

右冬景

喜雨六韻

二月廿二日



此雨真堪喜當春正及時連朝優醞釀徹夜渥霏醴樹

濕合圍本

合圍之樹全濕其本則雨為透足矣

花湔欲放枝歷晨還達午

急灑復徐滋望外誠逢幸忖衷益切寅御門集朝彥

是日

御門跋寧亦心怡

雨中舟泛二首

水天上下尋常隔巧與貫

平聲

之借雨絲設問緣何奇句

得利農今日覺心怡

柳色薰黃桃染紅濯枝無力潤濛濛石丞畫意無詩意

祇在輕煙細雨中

春雨軒對雨作

春雨名軒果是奇，自茲春雨每逢之。  
最優渥者為今歲，未爛湯子恰好時。  
徹日徹宵還莫間，或踈或密總相宜。  
憑欄却幸何修遇，喜共東郊農父知。

繪雨精舍口號

三時有雨冬無雨，夏潦秋霖強上聲。  
半愁有喜無愁祇，春

澤今朝繪出渥而優

橫雲堂

春港迴煙舫雲堂憑雨窓滿空皆潤逼無處覓塵降那  
數襄陽畫疑收湘浦雙颿聲兼素色定豈礙縱橫

狎鷗亭

御苑曾無矰繳求野鷗喜靜每來投忘機意趣胥應有  
高蹈非希隱者流

題澄練樓

乘舟偶至臨湖樓不愛舟中愛樓上於樓為靜舟為動

一例澄湖披蕩漾是時春仲景方明况當雨後波新漲  
倒影花光漪淺紋水夷竊得天孫樣設如擬議浣紗溪  
洗盡越吳機械障

湛然室

色斯有際空無際內外虛明洞湛然此室問宜誰作伴  
手拈花者坐金仙

得全閣

敞閣雖受風春仲律已暖宿雨潤油然韶光寧盈眼攬

結景畢呈錦繡天工纂忽有貫餅人云自街頭返餅已  
賤於昨大田卜益善秋收定全穫此雨利不淺止止毋  
復言言當戒盈滿

曉起一律

紙窓霽霽昀昕鋪曉起林亭滿目濡雨霽景光最希有  
春園興趣得曾無桃花紅暎黃薰柳雁字雲呼水宿鳬  
樂在高原將下隰耕犁處處看人扶

漢玉穀壁

土花琤琤其光葆道人之容枯不槁千年以上目前藻  
寸度規圓合羨好雖有琢磨無奇巧元氣配藜丁甲保  
庇蔭嘉穀斯為寶

御園仲春恭奉

皇太后賞桃花之作

雨後園林霽景披山桃灼灼發瓊姿得迎

王母仙輿降正是西池春醺時嫩萼欲禁風韻擘低枝  
猶帶露華垂

懿情別有承歡處  
指顧連塍綠麥滋

直隸總督方觀承奏報得雨

夜雨繼以日京兆報優覃大雲勢遍滿想必逮畿南越  
兩日章至普被春澤酣欣承益悚惕敢曰有秋占因憶  
邇年來齊豫每先霑乃延及都下率成例事談此番實  
先彼望外幸何堪翻為去聲齊豫望佳音佇驛函

仲春討源書屋

昨日迎

慈豫今朝問

體便書齋退憩息朝政勅傳宣已覺池塘麗還親翰墨  
緣六經源設討百行有當先

西隄

西隄此日是東隄名象何曾定可稽

西隄在暢春園西墻外向以衛園

而設今昆明湖乃在隄外其西更置隄則此為東矣

展拓湖光千頃碧衛臨墻影

一痕齊刺波生意出新芷踏浪忘機起野鷺隄與墻間



惜棄地引流種稻看連畦

仲春萬壽山即景

前日問

安無暇到今朝到為問

安迴已看綠柳風前舞  
恰喜紅桃雨後開  
蓄眼蕪珠緣帶露  
稱心山黛不生埃  
分明勝概西湖上  
祇少北高峯影來

題惠山園

臺榭全將秦氏圖

是處位置結構與惠山秦氏寄暢園大略相仿因名

宛如摘藻

詠遊吳輓陰宿雨今來湊也與九龍不迴殊

對鷗舫

為齋近臨湖何不可名舫更益云對鷗亦不止鷗漾春  
來湖波活水族有千狀飛止任所便夫誰挾弋向馮生  
適其適是即造物量吾民艱遂願故用增惆悵藉曰託  
高閒小哉豈有當

二月廿六日山東巡撫崔應階奏報得雨

曉有齊撫章其雨心先揣擘囊乃報霑實獲我心喜二

麥既潤哉大田亦耕矣昨此對優渥懸望已切彼數上聲

日實十九彼原先於此

京畿以月之廿一日竟夜春膏密沛逮翼日四野深透今接東

省奏報知已於十九日普霑渥澤撫臣俟所屬勘齊彙奏是以報到後而得雨仍實先於此處也

微雨

二月廿六日

既雨亦云易芬絲曉又霏已看砌土濕不慮谷風飛花  
蕊如含笑麥苗定卜肥晴宜繼霑美知足故應稀

史扛杏花麻雀

雙雛相倚枝頭宿老雀飛來喚不醒祇有其雄若無事  
杏花深處獨梳翎

西直門外三首

春郊跋馬踏春泥趁潤農民畢舉犁麪賈去聲減前麥種

上聲貴春雨霑足市人知新麥將稔不能居奇競以平值

聲售麪而耕者又乘土渥宜苗爭先購麥種價轉增

長畿甸傳

為佳話云世間萬事率難齊

村舍炊煙拂短籬清明節近杜家詩已欣滿目無塵意  
又見低雲送雨絲

雨畦煙甲綠恣然行可翻犁種大田等度常年得罕遇  
越因欣慰越乾乾

微雨

二月廿八日

雨弗為

去聲

雲拖氣和真是和潤郊又及寸澤物豈辭多

所慮三時遠翻愁一往過祈年終始意自不解應何

復雨

二月廿九日

油雲午復低好雨

天重錫春霖幾疊見慰心增惕息砌濕牛蹄泔簷溜魚

眼滴宮花紅濯英殿柏蒼含澤無風自深沈入夜猶淅  
瀝



御製詩三集卷三十七

欽定四庫全書薈要卷一萬三千四百六十七

集部

御製詩三集卷三十八

古今體一百四十三首

甲申四

三月朔日齋居對雨

鼎新

古帝廟落成莫之春先二日致齋是為中祭倫忭惕念  
代興惟

天詎由人厥德苟匪常難諶命亦淪遷居弗遑安思艱



圖易民甘膏邇屢霑潤溥利耕昉即慮後難繼敢曰稔  
可臻處順益屏營庶幾承

澤頻

靜怡軒雨中題句

靜者動之復怡者憂之對先憂詎可忘時動乃無悔

叶

後既未盡屏前亦難兼佩靜怡豈不佳有志而未逮春  
夏多園居齋必返宮內邇來實厚幸膏霑頻蒙賚庭梅  
香已放宮樹蕊全漑縷彼隴畝間興言事耕耒是吾所

由豫詎在崇軒繪

賦得不為物先

持後如觀影不先敢傲身時乘乾用九佳與物皆春柱  
史頌三寶寺卿箴八珍勞謙曰君子知足乃賢人却匪  
藏機械惟應博訪詢樸敦漢文帝又以示臨民

重脩

歷代帝王廟告成既奉

神御復位爰以春祭恭臨式瞻實枚用申誠肅

三皇

五帝道功崇

歷代君王懋建中雖是乘除撫人世莫非兢業代  
天工由來觀德視

遷廟用以陳年新

闕宮更憶戴黃教易瓦

舊制以新葺

廟

瓦皆甃用純綠

茲

載

聞刻羽發調桐考經

聖祖加之位

康熙六十一年代帝王廟位守成列

皇祖考定

歷代

敬法

世宗祀以躬

春季

皇考於雍正二年

親詣行禮

樂亮禮章溯古制

牲蠲幣量冀

神通落成莅止攄誠恪蕝祀虛徐仰

顯融周監在殷殷監夏難諶益切惕予衷

倚虹堂放舟

景德蕝崇祀

歷代帝王廟正殿  
曰景德崇聖之殿

鳴鑾出鳳城溪堂倚橋

側春水進舟平漲影層含砌漪文倒漾楹纘牽迴望處隄柳翠煙橫

長河泛舟至樂善園

柳綠桃紅濯雨餘  
長河今歲此方初  
名園問路鏡中是  
春水坐船天上如  
暗竇明亭皆好在  
香甌淨研偶相於  
重華宮裡書堂似

予青宮書堂亦以是名之

兩字名言竄起予

蘊真堂小坐得句

一年中到園不過兩三度  
到園坐堂中暖席曾幾遇  
以其臨長河荒頽為整足  
是予之好去聲事非予之美處  
堂自蘊其真漠然無來去

含清齋

水齋有書齋新蕪綠到階往來堪憩步經史足怡懷不  
繫情而去惟留靜與皆鳴榔溪幾轉煙外望高槐

舟過萬壽寺未入遂由繡漪橋至昆明湖沿水路  
攬景雜詠得詩六首

片刻徘徊樂善園進舟仍復溯長源麥剛茁隴新膏潤  
稻未栽塍宿水存

廣源閘隔水高低易舫之間屨步隄萬壽寺纔離半里

揚帆姑且置招提

麥莊橋過接長春兩岸輕煙冒柳新石壩金河洩餘水

石壩在繡漪橋南

天然洪澤那堪倫

洪澤天然五壩此不過略仿其意然

以洩金河餘水

自前歲南巡定清口之制連年水並未過五壩下河受益實有明效

壩外湖心亭好在乍因綴景憶西湖曾經一到常空過  
似此何須構築乎

繡漪月漾忽當頭綠柳紅桃四面稠寒食明朝兼上巳  
豈能分日作遨遊

陸緯入湖易水緯湖光上下漾天光小船軋軋鳴榔處  
不辨吳邨與越鄉

遣懷

春澤優且渥歷年實無比百穀皆可耕二麥卜北美忽  
縫關以外牧場不利爾即今雨後寒內地尚若是居庸  
北高巒遙見積素矣孳育馬牛羊蒙古生計恃雪冷虞  
為灾彼亦吾赤子既而自解云凡事戒長此且如西北  
界闢疆二萬里亦胥勤耕牧又寧當異視普天均適願



自古無其理咄哉語又失此責將誰諉多願故多愁是  
吾乃所以

詠古蒼玉壁

瑞玉何代此垂棘其肉倍好章辨國粟兆多穀蟠螭飾  
千年幽伏土華蝕復出全泯琢刻迹英氣內葆璘璘壁  
榮光旁魄恒四塞黃衣綠裏標正色衛國風人刺弗得  
詠人形漫六韻

本草漫受地氣之精年久者根如人形此漫正似

之又世人以淺為貴物能滋補然錯用致禍者亦復不少故未及之

五葉三桮長白珍年深形肖竟何因太原土貢今焉是  
上黨沙生寧有真具體幾曾五官具陳筐徒訝四支陳  
雖緣滋補稱延命頗見輕投致喪身大約佐饗圖利益  
遂忘剜肉值艱屯草莖誰悟文殊語能活人還能殺人  
上巳日萬壽山

今日三月三古政用上巳或疑紀干舛殊不思甲子名

從人所命月建小大徙輪值屬偶然何不可爾爾禊事  
雖弗脩禊朝那能已艷裔萬壽山淡沲昆明水寒食復  
茲辰翼日適值清明韶光真萃美華林寧足稱蘭亭奚必擬却  
憶記中言後今昔由視

翠籟亭

色聲極靜真聲色小坐渾如對古初人世禊朝絲與竹  
應教謖謖掃無餘

題墨妙軒

碧溪一帶鎖嶽峯，逕入文軒翰墨林。  
四壁茗華閱今古，三希倒薤藉追尋。  
煙雲舒卷為同異，情性剛柔在酌斟。  
數典更欣過庭論，孫虔禮書譜摹入三希堂法帖其所書景福殿賦及千字文並刻石此軒  
懸針竟爾度金針。

### 寄瀾亭

湖上構亭號寄瀾，虛明月榭漾風紈。  
亭瀾畢竟誰為寄，妙趣當前合靜觀。

### 景明樓

萬頃碧漪淪來遊正袂辰隄花紅入鏡岸芷綠拖紳魚  
躍猶矜浦鳧翔不避人巴陵滕太守又是一年春

霽清軒

春月居然喜霽清可知春雨稱人情田功此後時方遠  
敢作侈談祇屏營

清明

三月初  
四日

百六依依特可人輕陰細雨潤含顰花如有意開顏乍  
月即無情露影新今歲絕勝往歲節三分却判二分春

宵中本自非惆悵也覺司勲句最神

夜雨

三月初四日  
是日清明

夜雨霰聞枕上春膏似此未前聞豈辭多矣常情駭  
真覺時哉澤物勤耕父已將興畧畧行人且免嘆紛紛  
農占並叶清明吉

田家有雨灑清明  
一定收成之諺

片晌無眠意亦欣

曉晴

夜雨偏欣曉報晴芳園昨纔

去聲

度清明花枝高下皆垂

露鳥語悠揚似奏笙那戀再霑緣澤渥正思時霽為

去聲

春耕倚楹迴異常年況了識曾無定者情

含韻齋玉蘭花四首

遠疑玉塔色氤氲近似梅檀香蕊芬恠底花中稱木筆  
由來通體不勝文

清明好雨潤羣芳邂逅仙人白玉堂占得世間風韻獨  
笑他潘令詡河陽

氣清天朗莫之春正是蘭亭脩禊辰王謝羸他方子弟  
未成詩者也多人

飄姚春雨復春煙擢穎流芳秀且娟李白桃紅任批判  
不孤韶景是今年

深柳讀書堂

老屋清溪上年深柳更深

讀書趣緬昔聞禮戚猶今悟性同湍水鋪庭閱惜陰瞠  
乎祇蒿目黯爾總驚心

題染霞樓

屋不丹青喜樸清何來淺絳染飛甍徐因天末馳晞遠



翻得霞光靚面迎  
夏沼荷花休假藉  
秋林楓葉漫鮮明  
無須更讀興公賦  
縮地居然此赤城

山西巡撫和其衷奏報得雨

山左膏連山右渥更均同日沐恩覃

先是東撫崔應階奏二月十九二十

等日得雨雷足與

心遲豫省佳音到分付郵筒速問探

山西時日並同

河南與山左右鄰並而阿思哈二月中旬報到尚係正月杪二月初先得雪雨情形此番甘膏普渥摺猶未至

因傳旨

詢問之

夜雨

三月初八日

徹夜雨連纖不眠正不嫌無聲遙想色已潤易為霑斜  
灑窓還隔微寒被擬無春膏優且渥欣對敬猶添

雨中德勝門外

潤浥芳圻曉未晴高原下隰總新耕無閒心問花和柳  
也愛濛濛畫裏行

不似迤西有石衢輕輿未免跋泥塗僕臣今日教行賞  
為溥春恩與衆娛

漠漠輕陰欲放暉因風還送細絲飛分明記得江南景

北地春郊似此稀

賜奠大學士來保輒復成詩

一世篤勤行

三朝禁近臣老成惜多謝

去歲大學士史貽直梁詩正未半年相繼而沒

厚重

有誰倫那問生由命因知壽底真

來保壽至八十四歲

且看市鄆

上應有輟春人

晴

好雨午方晴氣和景益清無心惜雲去有意喜風輕御

柳低垂潤宮花仰向榮藉田將舉趾慰敬倍常情

豐澤園演耕作

豐澤真豐澤端因習禮臨墾無千畝遠潤過一犁深往

歲逢曾罕三農喜不禁廻思播種日

雍正年間  
考演耕於此每隨

皇

播種重穡

教垂今

春耦齋

試耕餘暇臨春耦綈几湘屏足靜怡慙愧胼胝力作者

金史四庫全書  
卷二十一  
茅檐終歲少閒時

淑清院

淑清信何地光潤是今朝  
雨過花增色春深樹密條  
到疑三島上坐可列仙招  
將謂晴無礙山雲又建標

雲繪樓放歌

試問雲中君江毫攜得無  
君答曰不藉自有神工乎  
輕噴細灑皆玉珠興犁舉  
耜歌農夫餘事乃至花與  
木妙色麗潤非青朱是謂  
斯樓繪事突藝苑寧須艷  
數米家鶻突圖

庭梅四聲四首

有序

北地無梅有之亦盆植耳十數年前命於靜怡軒  
庭中植梅二株冬時設旃棚護之今已成樹加之  
好雨頻霑放英特盛茲以有事藉田還宮齋宿撫  
眄庭萼方翻韻於廉纖煙靄間不啻鄧尉孤山泛  
光風而對香雪矣爰仿襲美四聲體得詩四首以  
極梅之能事非徒矜摘藻之工云耳

平聲

宮梅真宮梅雙株榮庭前今春誠欣逢時霖頻輕湔冰  
心芬溟濛珠頻輝蟪蛄憑軒觀芳華常疑籠非煙

右雨梅

平上聲

春宵於何佳動影有種種新蟾延徘徊古本豈擁腫舒  
邕臨瑤階啟蕊藐野壟虛無輕盈間那可以手捧

右月梅

平去聲

吹開還須風搖颺送秀韻香從叢中來籟自竅際聞朝  
妍披繁英暮度遞淡暈誠如云雌雄向來對致問

右風梅

平入聲

冬時雖無花不得或缺說瓊棚緣禁寒玉城適積雪融  
香心先期挹潔骨欲徹孫康還觀書隔壁獨鬱悅

右雪梅

耕藉日祭



先農壇

耕藉率先民勤農致敬

神古初定春孟後世卜佳辰土潤霑時雨  
染馨叶夏鈞  
天恩今歲渥庾輦益增寅

耕藉禾詞四首

王藉當春舉趾臨生香紺耦發腴沈重農  
本意惟勤  
豈繫耕牛配納音

由來稽典重為君底事千秋稱漢文為有  
哀矜惻怛意

行知願即勵尊聞

土潤今年沃壤滋塌場不待大脩治觀耕臺畔圍農父  
有喜吾民得共知

綵棚早已徹華紛廿六未詞依舊聞何必金根重載未  
所期惟實不惟文

用庾信詠畫屏風二十四首元韻即效其體並命

金廷標為圖各題其上

有序

原夫屏風之製蓋從斧扆之遺雲母真奢豈是清

防本色火齊縱異空勞靈贗重施便教圖以聖賢  
坐臥微嫌褻敬至若譜成列女顧視應致繩愆茲  
者十二橫陳欲加粉績爰以廿四分劃雅稱藻吟  
數典得開府之章選藝掄畫苑之彥夫其心營南  
國江關多懷忼慨手擅北周詞賦鮮與頡頏乃憑  
幾暇披尋式展芳辰茂對情如登覽詎矜極命山  
川趣洽泳游奚侈耽懷魚鳥格式採其怡當非以  
取人辭華戒彼纖穠亦因論世須信繪原後素聯

錦幘於重綈每思志在足言刻丹毫於寸晷但彼  
兩首殿詠各增十言茲予四韻終篇用成全體或  
同或異不即不離緬庾信當日催花番番遞進看  
廷標此時完壁落落無雙

翠管因風颺綺宴臨春開已喜重茵接又聞高駟來不  
惜朱顏酡還期白日迴遊入竹林逕罰依金谷杯  
錦帆涇曲注太湖宛面前相將如花女並泛採香船思  
長還擬藕貌艷欲羞蓮千載懷吳宮其人然乎然

底稱江國春梅花與結鄰山中臥高士林下來美人逸  
韻盈玉靨淨香噴珠脣不藉高唐雨已為姑射神

由來武陵水萬古無定源絕塵斯得路混俗徒望門何  
須問賢主適可遊名園延賞青霞標憩息蒼松根

珠履陪芳醺金貂共勝遊蘭觥藉山疎椒酒酌淵流散  
步延曲榭歌聲出舞樓寧須羨七貴可以傲五侯

承陞碩礪接絳宇琳瑯連鳳笙銀箏鸞瑟調冰絃碧  
玉按歌至綠珠獻舞前持此太康心答彼方韶年

言裝百寶鞍用駕七香車馬既遊如龍人亦勝於花素  
飾謝錦繡淡掃辭鉛華輕風信解事飄將羅帶斜  
殊勝水晶域靜真簷蔔林龍女獻明珠迦葉舞響琴既  
不見有法云何覓無心前生是妙光於斯薰習深  
即樹以為柱掃葉以為堂鷓鴣初引杓鴛鴦復在梁盡  
出格定高詩成字亦香此中樂有餘何必登伎牀  
金風入閒庭忽見桐葉飄搥衣振纖手就砧曲細寄怨  
意既已切哀音那得調窮邊寄淒涼芳年孤冶姚

賢才非鴻雁致之亦待羅祖逖聞雞舞甯戚扣牛歌曳

裾上雲臺浮杯賞池荷上下懽交欣光輝一何多

雲霞光上搖樓臺影倒懸翠籠金城柳香分玉井蓮芳

帶落鏡中長袖臨風前將謂太真遊孰知採菱船

阿閣構層峯上與青霄齊飛星或可擡流雲乃覺低蒙

莊斯夢蝶雒翁此祝雞誰能綰金章日聽曉鳥啼

檀林游涉騁蘭澤周馳過置罟密彌野旌旗紛映波弋

羽落層雲釣鱗出深河原獸本易致他他何足多

宣遊何處好未若鴻與壺王喬布芳筵方平携行厨揚  
羽翹必雙流聲韻何孤快哉真仙人小矣丈君鑪

跨水作虹橋象則銀河長天上尚藉鵲人間自折楊帶  
結別前心衣分離後香千里共相見惟應明月光

所貴豪俠者趨急排難

去聲

開朱家德能飲劇孟人喜來

輕金重一諾投轄引千杯刺史值大窮須從後閣迴

票姚成功還威名震遠戎居第雖不問賜賚胥從豐步  
光藏寶劒繁弱閤琚弓惟留一片石勒勲磧海中



驚飈無靜柯洪波無怙鱗蹠躡千里馬遨遊四海人三  
危迴陵漢九阿豪宴春簡子夢釣天小哉以傲秦

叢木成雲林素水盈璧池閒宮井綺軒華屋檐鐸吹異  
草鋪重茵若木交長枝可以青春延安知白日歎

叢林閑遠閭深山結小齋寒泉水供飲荒塗草半埋自  
足娛清音了當謝塵懷彥倫元史流終不與之偕

王孫去何久芳草春又菲魚弗溪前躍雁自天邊飛更  
誰達素書空思寄征衣鬱金堂上燕昨日却雙歸

昔日汾河曲，弭楫橫東流。榜人歌採菱，淵客誇弄舟。寧  
須下置戈，誠然上有樓。請看臨素節，至今風帆浮。  
溫嶠玉鏡臺，陶侃螺酒杯。千秋佳話傳，一夢浮雲開。  
二屏屈曲廿四圖，往來乘興賡子山。底論濟鹽梅。

河南巡撫阿思哈奏報得雨

河南河北亦同時

前因豫撫報雨之奏未至降旨駁問  
今據奏二三月間屢得甘霖與齊晉

二省所報日期大畧相同但其奏報稍遲察其分  
寸情形似未為深透恐尚有望澤之處故復詢之致問

方稱奏報遲分寸較茲原略欠麥秋又為

去聲繫遐思

清暉閣漫題

山增光潤水澄泓春閣今年信副名祇覺補松重待長  
羞隨新蘗共敷榮撫時有幸茲紓慮對景無端別縉情  
笑我六如觀未達那因靈運致高評

擢秀亭

一朵芙蓉上置亭葳蕤高舉側瓏玲河陽藻鑑非虛擬  
應識人間有姓邢

題玉玲瓏館

綠瓊繞砌戛玲瓏真玉應勞追琢工光透一輪寧礙月  
聲敲六律雅宜風挑詩還為聲去思韓愈笛賦何須詠馬  
融靜對恰如叅半偈是無色色不空空

思永齋

韶春煦潤錦花舒為撫時和惕有餘卑室更因思禹拜  
倚衡擬欲學師書脩身敬奉三無本叙族寧忘一脈初  
綈几蠓窓增愧處聖人見說貴鴉居

綠帷舫

屋是沙棠舫樹為油綠帷手垂堪掬月目仰見翻漪流  
動中含靜難圖外有詩新蒲搖翠影訝似向前移

柏上藤

稚柏旁種藤藤蔓緣柏上柏遲藤生速雨露慨竊享惜  
哉凌雲質束縛不得長移植去拘纏栽者賴培養子與  
戒有萌惕然發深想

松下草

掃雪堆松根本圖松得潤松潤故未形草長殊覺頓一

例鋪芊芊綠蔚高逾寸包荒既有容分膏復不恪休休  
賢大夫秦誓語猶信

題徐揚春遊園

青山影在碧波鋪攜客扁舟興致殊過雨紅桃渾似醉  
迎風綠柳那勝扶雅宜應節分花盎耐可澆春載酒壚  
沿泛試詢何處所不名藥瀨定歌湖

賜賚哈薩克陪臣並攜遊御園詩以紀事

北戒遙踰萬里程陪臣久乃達都京

正月據報哈薩克使臣至邊因命留

火戲待之茲以路遠雖命馳驛速行猶至三月  
始到遂不復賜觀煙火祇按例賜食頒賞遣還  
鐙宵早

過九華照御苑方當百卉榮獻馬無過聊表悃同舟真

是大聯情慣來可罷思筵款

以彼歲有來使且未  
值銓節遂弗賜宴

厚往

仍教例賚行

### 題金廷標戲嬰圖

曲檻碧池濱遊童作隊親雖嬉鮮人欲相近足天真豈  
弟胥同志崢嶸畢肖神如令詠棊局知孰句超倫

輕輿由萬泉莊遂至聖化寺禱興四首

疏治昆湖大局成迤西延及迤東營萬泉有事別淤塞  
相視無非為利耕

西園猶憶放煙篷歲久河湮舟不通屈指閱年一十六

戊辰年有至聖化寺詩至今凡十六年矣未經行處忽應同

河西本藉昆明水潤郅方方待插秧祇有河東藉泉溉  
為籌引道並瀦葺

輕輿迤邐至祇園古柏龍慈護法門自是應忘一切處  
不堪今昔箇中論



虛靜齋

祇園前有讀書軒虛靜標楣

聖藻存久別無端  
驚往事每來輒復憶

深思憑憶不改虛中趣  
坐席偏欣靜可論  
挑刻芟泥引

泉眼

聖化寺園近萬泉莊河中泉  
眼亦因歲久淤塞並命疏濬

為去聲穿新脈自溪源

西直門外

為脩

夏禴法宮旋徐步輕輿閱大田  
昨夜復經細雨濯近郊

生意總油然

二麥菁蔥蔚綠畦  
乘禾高下遍耕齊  
誠欣誠慮三時遠  
敢曰康年已露倪

題徐揚白鵬花卉

詭石清泉上  
嫣紅姹紫間  
三春正佳日  
一鳥立幽鵬  
不與繁華競  
愛看行止閑  
青蓮如驀遇  
白壁定無慳

暮春靜怡軒

主靜戒從欲  
求怡在省躬  
幸惟時雨若  
佳與物春同  
鳥

語花香際淵蛸蠓濩中穆然常自欲敢此傲居崇

孟夏時享

太廟

日積月成嬪春徂夏復來追思心罔極

往聖治猶恢永念

勤民要斯誠卜世培繼繩誰是責敢不益欽哉

瀛臺禱詠

祭罷瀛臺駐翠臺更衣之便遂傳餐乍開柳處藏鶯語

真是花前走馬看今日非關懶問景

暢春因欲敬詢

安試耕地已新茁茁好在凌晨露氣溥

皇莊即景

前朝麥色綠鬍鬚今日看來寸許增猶自顯期再雨好  
無非渴望有秋登

綠柳陰陰翠蹕移言旋為厓

起居洛禁中坐待臨

雩祭却恐

晨昏隔久遲

不堪遺事問春明  
勝國皇莊尚有名  
却為往來必經路  
幾多憂喜驗農耕

綠稠齋即景

問誰設色能為爾  
繞屋綠雲逐日加  
正是清和即景句  
不妨遮得遠山斜

橫雲堂

詎因堂迴號橫雲霽日高峯孰與分還是英英就舍宇  
常教淦淦潤楣枌寧欣駿贄宜題句希釀雲霞大利耘  
惟是祈農勤實政那如漢帝詡云云

題小有天園

疊石肖慧峯範錫寫壑庵

西湖小有天園舊名壑庵

分明虛窓北宛

似聖湖南縮遠以近取收大於小含既非仙術幻亦豈  
佛偈拈屨步丹崖側撫掌琴臺尖遊神無不可騁目還  
須兼過去成陳迹未來猶豫探奚如現前對前三與後

三

賦得溪月松風疊舊作韻

松風四季總相宜  
溪月三閭常映楣  
云似畫時偏愜照  
欲吟詩際恰攄思  
天行浩浩幾餘樂

聖仰循循從末悲  
雖曰瞠乎寧不懋  
況茲精義示貽遺

題金廷標畫

碧巘吹簫坐真仙共作陪含風柏籟和隔谷嶺雲開心  
與音如水身將境絕埃虛無凝眺處疑有紫鸞來

首夏

雩祭齋居六韻

孟夏方過

祭

常雩又值齋還宮惟忘祀遷座此澄懷琴瑟音全徹辛  
腥味並排紅黹辭苑杏綠葉張去聲庭槐勅政中和致甄



心肅靜皆晚來雲氣好便冀雨尤佳

細雨

四月初四日

細雨真旋飄入夜趣益靜漸添玉階聲不辨宮樹影春  
膏已頻霑繼澤實厚幸雖非渴望際於得寧辭屏因以  
驗人情損上道斯炳更餘遂徐止惜哉時弗永宣予志  
或矜愈用自深省

詠漢玉夔壁

雕鏤實非古夔龍蓋取方似聞拊石際應列赤刀旁蜿

蜿蜒真如意球琳善葆光穆然疑待叩豈惜荅丁當

詣齋宮二首

萋芊綠草潤天街五輅儀鎗迺邈排不敢矯情為徹滅  
向年常雩或值望雨率屏儀衛輟詣齋宮次日  
致祭步行由齋宮詣壇者有之今春屢霑膏澤入  
夏細雨恒霏不至待澤孔亟故照常行禮中心仍願雨尤佳

辦香肅謁

皇穹宇旋步三成敬視

壇退即齋宮滋惕息歷年寅畏壁詩看

孟夏

常雩禮成述事

冬雪春膏實渥優臨

雩益切冀霑稠從來願好鮮心足亦曰祈

恩視已脩三獻登

觴通旭卉一束仰

幕望俞留角亢見矣農殷際協序猶翹

霈澤流

賦得垂雲助麥涼

得年字  
八韻

陽盛候方暖麥苳苗已芊宜涼性須察望熟意猶虔屢  
見雲垂宇為去聲希雨霈天雲零雖未落霰隼却頻懸聊  
喜陰常覆無妨風以宣露光灑浥葉曉氣颯浮稍蔽日  
驅炎遠臨秋蕩鬱便終當作霖好宵旰祈年

戲為水鳥窺魚圖並題以句

疎葦藏鷺集輕鯈避沓如弋人猶未至樂得且驚魚  
一例臨淵羨無須結網羅獺豕曾有喻觸景會心多

鶴安齋放鶴再疊避暑山莊放鶴亭韻

壬午朔放鶴自此每推挹靜宜例避暑業已從其好

去歲

駐香山靜宜園曾視避暑山莊例放鶴並疊舊韻作詩紀事

御園亦蓄鶴隔林偶聞

叫翦羽常懷苦充腹且謀樂意雖不肯住焉能巢父掉  
因命概放之往事胥堪效既無繫體虞仍有清音報林  
監乃竊歎官粟何由調胎仙飽與飢彼固弗能告是謂  
免禽食

用意

而實減人稻

飼鶴者或竊饋今放之則不支鶴糧無由寫矣故戲及之

鶴安信鶴安大遂凌霞操

染霞樓

池上書樓號染霞憑窓攬景不須賒  
淺紅深碧連天淨  
秋夕春朝特地嘉何必棲哉非隱士  
已如餐矣即仙家  
飛魚疑在靈溪表輒欲吞之躍浪花

怡然書屋

好春倏度箭催弦候入清和宜雨天  
問我邇來心所託  
即時膏霽始怡然

雲濤亭子

瀑水落斜平其高非尋丈滌蕩越有情奚必香鑪想亭  
子坐臨流雲濤名取象試看出岫容一冽活潏沉嘉靈  
施其中醞釀理不爽

喜雨六韻

四月十二日

數日雲凝勢一時雨霑膏隔山藏幕厖拂水接波濤正  
是麥芒候大酬農父勞風停夕連靈雷作氣宣陶稍望  
澤隨渥益欽

天聽高坐看霑五寸方敢命蒼毫

雨中泛舟

達曙甘膏特渥優  
破辰霽勢未全收  
前庭啓政餘清暇  
遂冒空濛一放舟

接上淪漣徹下流水天一色  
滌雙眸湖中臺殿到方見  
訝似由拳煙雨樓

晚晴即景

雲徂螺黛濯遙岑  
快靄清寥倍起吟  
雨過百花添喜色  
夏初萬葉試新陰  
那無即景成鍊意  
但覺協時特遂心



為此翻增盛滿懼一篇無逸靜披尋

詠柴室枕

遵生稱未見

遵生八牋述柴室論製雖有青如天明如鏡之目然其自稱則云予未之見也

安

臥此何來大輅推輪溯青天明鏡開薦牀猶蟹爪藉席  
是龍材古望興遐想宵衣得好陪堅貞成秘賞苦窳漫  
嫌猜越器龜蒙詠方斯倍久哉

題徐揚畫二首

淺黃深紫鬪精神一樹花分一樹春寄語東風莫相妬

幾多早起凭欄人

去聲

### 右春花

丁星秋色爛  
擬擬風在梢  
頭月在窓  
看到黃花香  
晚節便教庶  
子也心降

### 右秋卉

### 雨後昆明湖泛舟即景

昆明水未今年落  
雨後翻看數寸增  
四月清和入吟寫  
一天朗霽暎空澄  
槁邊鷺羽騫蒲渚  
隄外魚鱗潤稻塍

對景能無心慶慰所虞慶慰近驕矜

鑑遠堂

水堂臨潁沉直與碧虛連千頃猶意度三壺祇目前淵  
涵自今古活潑任魚鳶若問源頭處涓涓在玉泉

澹會軒

四面昆明軒據中偶來早過舞雩風澹然會到無心處  
那數心如有鄭崇

題月波樓

波含月呈鏡月入波翻綺虛明若有無洞徹通表裏詩  
客難為吟禪子作麼指溪樓之所會故應恒如此從未  
夕來登想像而已矣

石丈亭

月波樓下放煙舫北岸維舟石丈亭湖翦昆明行似鏡  
山圍萬壽倚如屏適來已付東流去不住中叅亘古停  
何必上皇稱米癖一拳閱世鎮瓏玲

清琴峽

流泉出峽中

去聲

琴音却匪宮商與石金太古以來便有

此笑他師曠未曾尋

### 浮青榭

水榭向迎西西山入牖低浮來螺影動望去黛光迷樹  
色遙疑倒蒲叢近與齊澄虛更流宕妙處契天倪

### 題澄輝閣

山閣臨湖攬碧空波光峯態兩相融欲知雨後清和趣  
祇在澄輝鏡影中

雲繪軒

雨雲祇一色晴雲乃萬狀一色易為概萬狀莫可量既  
雨無餘戀宜晴快初放因風勢飄蕭散空形蕩漾妙繪  
鮮比倫誰能摹筆仗氣韻生動間憑軒意為暢設遇望  
霖時顧惜正惆悵

醫卜星相四詠

醫

四時六氣暑寒侵頤象分明勝下鍼盡信徒成學仙癖

概除恐拂育民心曾誰飲愈猶橘井莫見春芳鎮杏林  
設曰迴生真有術首應和鵲尚存今

卜

熟灼曾聞太卜能六龜三兆祇虛稱大都趨避情斯甚  
遂致吉凶術者憑蔽志不疑寧復藉禍淫福善有明徵  
靈焦若果先知諗曳尾塗中自未曾

星

義和本意授民時拘者多牽禁忌為遂致王良占馬榮

徒稱李邵指倅馳幸灾或蹈國章犯設教曾聞神道施  
先事要當盡勤敬便真懸象也應遲

相

有心無相相隨心非相荀卿冠古今武女鳳頸平聲福豈

久楊男龍額禍重平聲尋指形論命言多幻作善降祥理

足謔眸子不能掩其惡量材乃藉一詳斟

月露風雲四詠

月



三千世界有三千曰不圓然本體圓警闕示冲惟懿德  
應潮離畢協神權春江花夜誠小矣桂樹霓裳實誕焉  
設以箕疇省卿士吾殷朗照在真賢

露

地氣蒸為天露滋灑灑澤物本無私被蘭在棘寧為擇  
降竹披松亦待時虛受允應思助海飾祥何必詡如脂  
毛詩若詠薰葭采水渌方懷所謂伊


風

節政猶應理八風大都所遇致難同  
送帆順逆殊憎喜  
徵德時恒別聖蒙異域占之為向背  
騷人諷以較雌雄  
春園纔喜擘千紫轉瞬還看落萬紅

雲

觸石浮天聚復分非煙非霧蔚氤氲  
紀官書瑞何容意  
垂雨放暘宣據勲絕迹行空符妙道  
無心出岫是佳文  
連篇積案弗闕要李諤箴言迴軼羣

御製詩三集卷三十八



總校官庶吉士臣侍朝

校對官編修臣周厚輅

謄錄監生臣何照鄰